

Na osnovu člana 121. Zakona o visokom obrazovanju („Službene novine Kantona Sarajevo“, broj: 36/22 i 28/25) i saglasnosti Senata Internacionalnog univerziteta u Sarajevu, broj: IUS-SENAT-11-2545/25 od 28.08.2026. godine, Fakultet medicinskih nauka (FMS), raspisuje

K O N K U R S

za izbor u naučnonastavno zvanje vanrednog profesora

Izbor kandidata (akademskog osoblja) vršit će se na Fakultetu medicinskih nauka Internacionalnog univerziteta u Sarajevu za naučnonastavno zvanje vanrednog profesora za naučnu oblast „*Medicinske i zdravstvene nauke*“, naučno polje „*Opšta medicina*“, kako slijedi:

- **Nastavnik u naučnonastavnom zvanju vanrednog profesora za naučnu granu: „*Medicinska mikrobiologija*“ – 1 izvršilac.**

Uslovi: Kandidati za izbor u naučnonastavno zvanje vanrednog profesora, pored općih uslova propisanih Zakonom o radu, minimalnih uslova za izbor u gore navedeno naučnonastavno zvanje, propisanih članom 112. Zakona o visokom obrazovanju Kantona Sarajevo („Službene novine Kantona Sarajevo“, broj: 36/22 i 28/25) i općim aktima IUS-a, trebaju vladati engleskim i turskim jezikom u pismu i govoru. Prednost će se dati kandidatima koji govore i turski jezik.

Sa kandidatom koji bude izabran u naučnonastavno zvanje, IUS zaključuje ugovor na period za koji je izabran u zvanje, uz probni rad u trajanju od šest mjeseci. Za vrijeme probnog rada kandidat se obavezno evaluira od strane matičnog fakulteta. Negativna ocjena kandidata u toku probnog rada smatra se raskidnim uslovom u pogledu važenja ugovora o radu.

Kandidati/kandidatkinje strani državljani zaključuju ugovor o radu na određeno vrijeme, u skladu sa odredbama *Zakona o zapošljavanju stranaca*.

Kandidati uz potpisanu prijavu na konkurs obavezno prilažu sljedeće:

1. Biografiju/Curriculum Vitae sa bibliografijom;
2. Uvjerenje o državljanstvu za kandidate koji su državljani Bosne i Hercegovine (ne starije od šest mjeseci), odnosno kopiju prve stranice važećeg pasoša za kandidate koji nisu državljani Bosne i Hercegovine;
3. Diplomu ili uvjerenje o diplomiranju o stečenom odgovarajućem stepenu obrazovanja u relevantnoj naučnoj oblasti, relevantnu za izbor u akademsko zvanje za koje se raspisuje konkurs;
4. Rješenje o priznavanju diplome ili potvrda da je pokrenut proces priznavanja diplome (za kandidate koji su visokoškolsku kvalifikaciju potrebnu za izbor u zvanje stekli u inostranstvu) ¹⁾;

5. Naučne radove (fotokopije iz publikacija) objavljene u priznatim publikacijama koje se nalaze u naučnim bazama;
6. Objavljene knjige relevantne za izbor u akademsko zvanje ²⁾;
7. Odgovarajući dokument kojim se dokazuje uspješno mentorstvo kod izrade magistarskih radova ³⁾,
8. Dokaz o originalnom stručnom uspjehu kao što je projekt, patent ili originalni metod ⁴⁾;
9. Dokument kojim se dokazuje izbor u prethodno akademsko zvanje ili ekvivalentan stepen (ako kandidat isti posjeduje);
10. Ostale dokaze o ispunjavanju uslova za izbor u naučnonastavno zvanje vanrednog profesora u skladu sa uslovima propisanim Zakonom o visokom obrazovanju KS.

-
- 1) *Izabrani kandidat obavezan je dostaviti rješenje o priznavanju odgovarajuće inostrane visokoškolske kvalifikacije prije zaključenja ugovora o radu odnosno prije predaje zahtjeva za izdavanje radne dozvole.*
 - 2) *Knjiga se može zamijeniti s tri dodatna naučna rada objavljena u priznatim publikacijama u relevantnim naučnim bazama ili s tri originalna naučna uspjeha kao što su projekat, patent ili originalni metod.*
 - 3) *Mentorstvo na drugom ciklusu studija može se zamijeniti s jednim dodatnim naučnim radom objavljenim u priznatoj publikaciji, i projekat, patent ili metod ili povećane administrativno-stručne obaveze (vođenje odsjeka, katedri, centra i sl., učešće u komisijama za odbranu, izbor u akademska zvanja i sl.)*
 - 4) *Originalni stručni uspjeh kao što je projekt, patent ili originalni metod se može zamijeniti s dva dodatna naučna rada objavljena u priznatoj publikaciji u relevantnim naučnim bazama ili s objavljenom knjigom.*

Dokumenti se dostavljaju u originalu ili fotokopiji originala, a Univerzitet zadržava pravo da od izabranog kandidata prilikom zaključenja ugovora o radu zahtijeva originalne dokumente odnosno ovjerene kopije istih. U toku postupka izbora, Komisija može zahtijevati dostavu dodatnih dokumenata od prijavljenih kandidata.

Prijave sa potrebnim dokumentima sa naznakom „PRIJAVA NA KONKURS ZA IZBOR U AKADEMSKO ZVANJE VANREDNOG PROFESORA ZA NAUČNU U „MEDICINSKA MIKROBIOLOGIJA“, NE OTVARAJ - OTVARA KOMISIJA“, dostaviti lično ili preporučenom poštom u zatvorenoj koverti na adresu: Internacionalni univerzitet u Sarajevu, Fakultet medicinskih nauka, Hrasnička cesta 15, 71210 Ilidža, Sarajevo.

Konkurs ostaje otvoren **sedam dana od dana objavljivanja**. Nepotpune i neblagovremene prijave neće se uzimati u razmatranje.